



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Athanasii Kircheri Fvldensis Bvchonii E Soc. Iesv.  
Prodromvs Coptvs Sive Aegyptiacvs**

**Kircher, Athanasius**

**Romae, 1636**

Ad Lectorem.

**urn:nbn:de:hbz:466:1-12784**

## AD LECTOREM.

**C**um omnem Aegyptiacam antiquitatem instaurandi nobis sit animus; certè ipsius argumenti difficultas suadere videbatur, ut ab ea re, quæ totius antiquitatis veluti clavis erat, ab ipsa, inquam, veterum Ægyptiorum vernacula antiqua, quam Coptam, seu Pharaonicam appellamus, totius operis auspiciemur exordium. Huius enim, quàm ingens in omni facultate, arte, & scientia sit usus; quantum non ad profanæ tantum, sed & sacræ literaturæ cultum, verbo, ad omnem eruditionem antiquitatemque eruderandam conferat, etsi Prodromus iste varijs in locis id abundè & variè doceat; Oedipum tamen Aegyptiacum varia sua eruditione, quàm huius ope eruit, id non clariùs tantum & abundantius demonstraturus; sed & id quoque apud reconditiore literaturæ Amantes effecturum spero, ut hanc recens Europæ natam linguam non æstiment tantum sed & omne quoque studium industriamque ad eam addiscendam conferant, ad quod maiori facilitate præstandum, dictæ linguæ institutiones in fine operis huius adnectere volui, ut interim sese in eis exerceret Lector, & ad futura intelligenda aptiorem redderet capacioremque. Non aliam ob causam totius Oedipi quoque Aegyptiaci Ideam ijs apposuimus, nisi ut quantum ex utriusque literaturæ restitutione Reip: literariæ emolumentum sperari possit Lectori innotesceret. Certè norunt id amici, quibus abdita eius vel per rimas quasdam ostendi, qui novitate rerum commoti, cum alia ratione nequirent, certam id encomiasticis metris Prodromo præponendis extollere sat agebant. Verùm, ne laudibus acceptis hominum diuino favori obicem ponerem, neue huiusmodi solatiola avidius

am-

Ad Lectorem.

antibisse, aut etiam ante victoriã triumphos egisse viderer, eorum benevolentia laudata, ea qua par erat mod. Ita recusavi; exceptis eorum Eulogijs, qui non tam Encomiastæ, quàm rerum variarũ Testes erant futuri, approbatoresq;. Nam cum hic præsens liber, Oedipi operis omninò noui, rari, difficilis, & argumenti multorum opinione incredibilis, sit Prodromus; cùm pleraque præterea, è reconditis inuisisque Orientalium monumentis deprompta Europæos linguarum cognitione destitutos omninò lateant, adeoque multi forsàn in rebus adeò nouis de fide mea dubitare, aut de impostura & furo aliquo suspicari possent. Vt in re magni momenti maiori ingenuitate, fide & sinceritate procederem, simulque monstrarem linguarum, quas in operibus passim ad rerum dictarum confirmationem adducturus sum, me diuina gratia haud ignarũ: istius testes admittere volui, ipsos Græcos, Hebræos, Syros, Chaldaeos, Arabes, Armenos, Aethiopes, Abyssinos, Samaritanos, aliosque quibus mea literaria supellex nota est, quique mea omnia lustrarunt, reuiderunt. quique susceptum opus consilio auxilioque nullo non tempore de proprijs suis aliqua communicantes pro viribus promouere contendunt. Atque hæc sunt beneuole Lector, de quibus te primò monitum volebam; quod si in ijs quicquam laude dignum inueneris; non mihi, sed Deo, honorum omnium largitori, qui infantium linguas solus disertus facit, imputes velim. Vale.